

## UGOVOR O JAVNOJ NABAVCI

### Ugovorne strane:

1. **KJKP „Vodovod i Kanalizacija“ d.o.o. Sarajevo**, ul. Jaroslava Černija br. 8., koga zastupa direktor Enver Hadžiahmetović, dipl.ing.maš. (u daljem tekstu: Kupac)  
i
2. **Hidro-Termo-Centar d.o.o. Sarajevo**, ul. Kurta Shorka br.11, 71000 Sarajevo koga zastupa direktor Selvedin Alajbegović, dipl.ing.met (u daljem tekstu: Prodavac).

### Član 1.

Predmet ovog ugovora je nabavka roba: „**Potopne pumpe za prihranjivanje na vodozahvatima na Izvorištu Bačevo**“ (predmetna nabavka je planirana u Planu javnih nabavki za 2020. godinu pod rednim brojem 68.) a sve prema tenderskoj dokumentaciji br. 53/20 i usvojenoj ponudi broj: 047/20 od 28.07.2020. godine, koja je sastavni dio ovog ugovora.

### Član 2.

Ugovorna vrijednost roba iz člana 1. ovog ugovora bez uključenog PDV-a je fiksna i iznosi: **49.840,00 KM** (slovima: četrdesetdevećiljadaosamstotinačetrdeset ).

Ugovorna vrijednost roba iz člana 1. ovog ugovora sa uključenim PDV-om iznosi: 58.312,80 KM (slovima: pedesetosamhiljadatristotinedvanaest 80/100 KM).

Iskazana cijena u ponudi bez PDV-a sadrži sve naknade koje ugovorni organ treba platiti Kupcu (pakovanje, transport, carine, takse, osiguranje kao i druge dažbine date na paritetu FCO skladište Kupca u Sarajevu).

Kupac ne smije imati nikakve dodatne troškove po isporučenoj robi osim onih koji su navedeni u obrascu za cijenu ponude.

Ugovorena cijena je fiksna i ne podliježe bilo kojim izmjenama.

### Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Prodavac se obavezuje da će uz isporučenu robu iz tehničke specifikacije dostaviti :

1. Dokumentaciju koja obuhvata:

- crtež presjeka pumpe sa pozicijama dijelova
- specifikaciju svih pozicija sa kataloškim brojevima
- adresa najbližeg ovlaštenog servisa i kontakt osoba
- upustvo za montažu, rukovanje i održavanje na jednom os službenih jezika u BiH
- garantni list sa grantnim uslovima

Prodavac se obavezuje da svu zahtijevanu dokumentaciju uz isporučenu robu dostavi na jednom od jezika u službenoj upotrebi u BiH. Ukoliko se dokumentacija dostavlja na stranom jeziku, Prodavac je obavezan da uz dokumentaciju koju dostavlja na stranom jeziku, dostavi i prevod ovlaštenog sudskog tumača za jezik sa kojeg je prevod izvršen u originalu ili ovjerenom

kopiji kao i da dostavi dokument sa kojeg je prevod izvršen u originalu ili običnoj kopiji. Dokument koji je preveden od strane sudskog tumača mora sadržavati ovjeru sudskog tumača.

#### **Član 4.**

Prodavac će predmetnu robu isporučiti u skladište Kupca, ul. Gliše Jankovića broj 8., Sarajevo, i to u roku od maksimalno 8 sedmica od dana prijema narudžbenice.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički.

#### **Član 5.**

Zapisnik iz člana 4. ovog ugovora je osnov za plaćanje ugovorne cijene.

#### **Član 6.**

Način i uslovi plaćanja su: u roku od 60 dana od dana ispostavljanja fakture, na transakcijski račun Prodavca broj: 1941410036505153 kod Procredit banke.

#### **Član 7.**

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

#### **Član 8.**

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

#### **Član 9.**

Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi.

Prodavac se obavezuje da će robu sa oštećenjima isključiti iz isporuke.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

Prodavac daje garanciju na kvalitet i funkcionalnost na svu isporučenu robu u trajanju 12 mjeseci od ugradnje, odnosno 18 mjeseci od dana isporuke robe. Garancija na isporučenu robu obuhvata sve kvarove nastale usljed grešaka u projektovanju, poizvodnji i materijalu ili instalisanju. Prodavac se obavezuje dostaviti prilikom isporuke robe Garantni list sa garantnim uslovima (minimalno 12 mjeseci od ugradnje, odnosno minimalno 18 mjeseci od isporuke).

#### **Član 10.**

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

### Član 11.

Kupac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 12.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu robu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obaveznu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obaveznu plaćanja, kako je definisano u članu 6. ovog ugovora.

### Član 13.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

### Član 14.

Ovaj ugovor stupa na snagu kada ga potpišu obje ugovorne strane a zaključuje se na period od 12 (dvanaest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

**Prodavac:**

**Kupac:**

*v.d. izvršni direktor  
za vodovodni sistem*

*Paulo*

Direktor *[Signature]*

Selvedin Alajbegović, dipl.ing.met



BROJ: 594-4/21

DATUM: 07.01.2021



Direktor

*[Signature]*  
Enver Hadžiahmetović, dipl.ing.maš.

BROJ: 601/20

DATUM: 31.12.2020,